

## NAŠ DEKAN NA SEMINARU ZA OBEZBJEĐENJE KVALITETA U ROVINJU

Prof. dr Sanel Jakupović, dekan Fakulteta poslovne ekonomije, ispred Panevropskog univerziteta učestvovao je na seminaru za obezbjeđenje kvaliteta u visokom obrazovanju u Rovinju, od 23 - 25. oktobra.

Seminar na temu "Tržišni trendovi, kvalitet i akreditacija", organizovao je EFMD ("EXCELLENCE FOR MANAGEMENT DEVELOPMENT"), jedna od vodećih svjetskih akreditacijskih kuća iz oblasti osiguranja kvaliteta u visokom obrazovanju, čije sjedište je u Briselu, a za naš region aktivnosti su organizovane putem kancelarije za Istočnu i Centralnu Evropu sa sjedištem u Beogradu. Suorganizator ovog događaja su bili Ekonomski fakulteti iz Zagreba i Rijeke.

Na seminaru su učestvovali dekani i rukovodioci odjela za osiguranje kvaliteta na visokoškolskim ustanovama iz regiona Zapadnog Balkana, koji su se upoznali sa aktivnostima EFMD, tržišnim trendovima, uslovima kvaliteta i procedurama za akreditaciju.

Kao primjeri dobre prakse u našoj regiji, koji imaju akreditaciju iz serije EPAS, EOCCS, EDAF ili EQUIS bili su prisutni predstavnici Ekonomskog fakulteta iz Ljubljane, Sarajeva, Zagreba i Ural Federal University iz Rusije, koji su opisali svoj proces sticanja akreditacije u ovim vrstama kvaliteta.

- Najdalje u ovom postupku su otišle kolege sa Ekonomskog fakulteta Univerziteta u Ljubljani, koji su već 10 godina članovi EFMD organizacije i imaju sve vrste akreditacija, što je, prema njihovim, riječima, mnogostruko unaprijedilo njihov kvalitet rada, poziciju na tržištu, konkurentnost i fleksibilnost studijskih programa i institucije koja je postala respektabilna u cijelom svijetu sa preko 5.000 studenata iz Kine, Indije, bivših repulika Sovjetskog Saveza i bivše Jugoslavije.

Dekan je naglasio da će "Apeiron" u narednom periodu procijeniti svoju poziciju u odnosu na mogućnosti ponude članstva u EFMD organima i odrediti se prema ulasku u postupak akreditacije.